



12.05.2016

Inatsisartut suleriaasianni § 37 naapertorlugu Naalakkersuisunut imaattumik apeqquteqarpunga.

**Apeqqutit:**

1. Qallunaat tikisitat agguaqatigiissillugu ukiut qassit Nunatsinniittarpat?
2. Qallunaat tikisitat ukiuni Nunatsinniinnerminni, pikkorissarnernut qanoq aningaasartuutaatigit?
3. Qallunaat atorfinni qaffasinnerusuni (chefgruppeni) atorfiit qassit paaraat?
4. Namminersorlutik Oqartussat suliffeqarfiutaat sorliit qallunaanik atorfinnik qaffasinnerusunik inuttalersugaappat, soorlu Mittarfeqarfinni Nukissiorfinnilu?
5. Mittarfeqarfiit aningaasartuutaat qanoq kinguaattooqqatigisoqarpa, ukiunilu (5) qanoq aserfallatsaaliinissanut takorluuisoqarpa kiisalu ukiuni (5) pisariaqartitsineq (anskaffelser) qanoq aningaasartuuteqarfigineqarnissaat naatsorsuutaava?  
(Inatsisartuni ilaasortaq Siverth K. Heilmann Atassut)

**Tunnngavilersuut.**

Nunatta namminersulivikkiartorerani ilinniarsimassutsip atorfiillu nunatsinneersunik inuttaqartineqarnissaanik qaffassarniarneqarnerini, pisortat pigisaanni sullissivinnilu tikisitat amerlasiartuinnartutut ippoq, taamatullu ingerlaaseqarneq assut isumakulunnarluinnartippara.

Qulaani apeqquteqaatissatut qulequtsiussama saniatiut aamma assersuutitut, kilisaatini aqumiut inuttallu malunnaqisumik atugassaqartitsisoqarpoq.

Qallunaat Nunatsinnut nunassivinnikut ukiorpassuarnilu sulilluartut matumani pineqanngillat, taamaattorli Namminersorlutik Oqartussat allaffeqarfissuani piinnarani aamma Mittarfeqarfinni Nukissiorfinni il.il. paarlagaannersuit aningaasarpasuarnillu atuiffiusut annikillisarnissaanut killormut ingerlasoqarpoq.

Mittarfeqarfinni pioreersuni sulisunik killeqaqisumik atugassaqartitsisoqarpoq, atortutigullu aserfallakkaluttuinnartut kinguaattooqqanerisalu saniatigut suli sipaarfiginiarneqarput. Isumaqarpunga

mittarfeqarfinni isumannaatsuutitsinissaq eqqarsaatiginerullu, atortorissaarutininik sipaarniaannarani ungasinnerusumut isigaluni politikkeqartoqartariaqartoq, taakkuummatami timmisartunik ilaasuiniilu isumannaatsumik sullissisugut.

Taakkuppullu apeqquteqaatigiumasagut, inussiarnersumillu qinnutigissavarput akissuteqaat, kingusinnerpaamik ullut suliffiit naliginnaasut qulit iluini tigusinnaassallugu. Akineqarnerpullu tunngavigalugu nalileqqikkumaarparput suliaq malersoqqittariaassanersoq.